

Menningar- og ferðamálasvið f.h. Reykjavíkurborgar kt. 530269-7609 og Kammersveit Reykjavíkur kt. 620574-0159 gera með sér eftirfarandi:

SAMSTARFSSAMNING

um fjárstuðning Reykjavíkurborgar við starfsemi Kammersveitar Reykjavíkur á tímabilinu 1. janúar 2018 til 31. desember 2020.

1. gr. Markmið

Meginmarkmið með stuðningi Reykjavíkurborgar við Kammersveit Reykjavíkur er að styðja við árlega starfsemi hljómsveitarinnar og öfluga þátttöku hennar í tónlistarlífi borgarinnar.

2. gr. Forsaga

Kammersveit Reykjavíkur hefur starfað óslitið frá stofnun 1974. Hún hefur æ síðan haldið úti, af mikilli elju, tónleikaröð með fjölbreyttu efnisvali. Kammersveitin skipar nú sess í tónlistarlífi Reykjavíkur og landsins alls sem sinfónietta, eða millistærð af hljómsveit. Þannig fyllir Kammersveitin rúm sem hvorki Sinfóníuhljómsveit Íslands né litlir, fámennir hópar geta sinnt. Samstarf Kammersveitarinnar og íslenskra tónskálda hefur á þessum áratugum verið einstakt, því Kammersveitin hefur frumflutt ótal verk og gefið út fjölmarga diska með verkum þeirra auk annarrar útgáfu. Ríkisútværpið hefur sinnt tónleikaupptökum mjög vel síðustu ár og hefur allflestum tónleikum Kammersveitarinnar verið útvartað nokkrum dögum eftir tónleika. Hjá Kammersveitinni ríkir algjört jafnrétti og hópur hljóðfæraleikaranna skiptist nokkuð jafnt milli karla og kvenna. Sama gildir um ábyrgðastöður, verkefnavalsnefnd og verkefnastjórn. Við verkefnaval er einnig reynt að taka tillit til kynjasjónarmiða, sérstaklega þegar kemur að því að panta og leika ný verk. Miðaverði er stillt í hóf. Innan Kammersveitarinnar starfa hljóðfæraleikarar með ólíkan bakgrunn sem teljast allir með þeim fremstu í sinni röð.

3. gr. Framlag og markmið Kammersveitar Reykjavíkur

Kammersveit Reykjavíkur stefnir að því að bjóða áfram upp á metnaðarfulla tónleikadagskrá í höfuðborginni þar sem áheyrendum gefst kostur á að hlýða á framúrskarandi flutning á áhugaverðum tónverkum. Kammersveitin vinnur að nýsköpun í íslenskri tónlist með frumflutningi á verkum íslenskra tónskálda, hljóðritunum og geisladiskaútgáfum. Á tónleikum Kammersveitarinnar fá hljóðfæraleikarar hennar tækifæri til að spreyna sig á krefjandi og spennandi verkefnum.

Kammersveitin leitast við að sinna börnum með tónleikum og námskeiðum. Við undirritun samnings liggur efnisskrá ársins 2018 fyrir með tónleikum og upptökum. Kammersveit Reykjavíkur vill leggja sitt af mörkum til að vera flaggskip kammertónlistar í Reykjavík.

4. gr. Kynningarmál

Á öllu kynningarefni Kammersveitar Reykjavíkur, jafnt innanlands sem utan, skal koma fram að hljómsveitin sé styrkt af Reykjavíkurborg og birtir hljómsveitin merki Reykjavíkurborgar í því skyni. Hægt er að nálgast merki borgarinnar á reykjavik.is/skjaldarmerki-reykjavikur. Tengja má ferðavefsvæði Reykjavíkurborgar vistitrejkjavik.is við kammersveit.is/ til að kynna sem best Reykjavík sem áfangastað og setja tónleika Kammersveitarinnar á viðburðadagatal borgarinnar hvirfill.reykjavik.is/ á ensku og íslensku.

5. gr. Framlag Reykjavíkurborgar

Á samningstímanum leggur Reykjavíkurborg Kammersveit Reykjavíkur til í beinum fjárfamlögum kr. 1.800.000.- á ári 2018, 2019 og 2020. Upphæðirnar greiðast í tveimur greiðslum kr. 1.000.000.- þ. 16. – 18. mars og kr. 800.000 þ. 16. - 18. júní ár hvert.

Framlög Reykjavíkurborgar vegna áranna 2019 og 2020 eru með fyrirvara um samþykkt fjárhagsáætlunar hverju sinni. Verði gerð umtalsverð breyting á fjárveitingu til samningsins á fjárhagsáætlun taka aðilar upp viðræður um aðlögun hljómsveitarinnar að breytti fjárveitingu.

6. gr. Ábyrgð

Kammersveit Reykjavíkur ber ábyrgð á að starfsemi hennar fullnægi kröfum um fagmennsku og gæði. Kammersveitin ber ábyrgð á skuldbindingum sem hún eða aðilar á hennar vegum stofna til í tengslum við þennan samning.

Henni er óheimilt að framselja greiðslur skv. samningi þessum til þriðja aðila og setja hann með öðrum hætti til tryggingar fjárskuldbindingu.

7. gr. Samskipti og eftrillit

Samráðsfundir aðila samningsins skulu haldnir í september 2019 og 2020 þar sem farið verður yfir framkvæmd samningsins og tillögu Kammersveitar Reykjavíkur að verkefnaáætlun fyrir komandi starfsá.

Kammersveitin skilar þá Menningar- og ferðamálasviði áætlun um rekstur og efnahag komandi starfsárs og árituðum ársreikningi og skýrslu fyrra árs. Skrifstofustjóri menningarmála boðar til fundanna.

8. gr. Vanefndir og meðferð ágreinings.

Telji Kammersveit Reykjavíkur hættu á að geta ekki uppfyllt samningsbundnar skyldur sínar skal skrifstofustjóra menningarmála tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð er skrifstofustjóra menningarmála heimilt að fella niður greiðslur eða rifta samningnum.

Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum áskilur Reykjavíkurborg sér rétt til að krefjast endurgreiðslu framlagsins að öllu eða að einhverju leyti og rifta samningnum.

9. gr. Gildistími

Samningur þessi er gerður í samræmi við samþykkt menningar- og ferðamálaráðs þ. 18. desember 2017 um styrki og samstarfssamninga ráðsins. Samningurinn gildir til 31. desember 2020. Samningurinn er gerður í tveimur samhljóða eintökum og heldur hvor aðili sínu eintaki.

10. gr. Fyrirvari og ágreiningur

Samningurinn er gerður með fyrirvara um samþykkt menningar- og ferðamálaráðs Reykjavíkurborgar og borgarráðs. Rísi ágreiningsmál út af samningi þessum skal það rekið fyrir Héraðsdómi Reykjavíkur.



Reykjavík,

30.1. 2018

F.h. Reykjavíkurborgar

F.h. Kammersveitar Reykjavíkur

Vottar að réttri dagsetningu og undirskrift:

Kristin V. Þurðóttir
151160-4419

050977-3829